

43

J. N. J.
EXERCITIUM THEOLOGICUM

DE

L E G E F I D E I
G L O R I A T I O N E M
E X C L U D E N T E

R O M . III . 27 .

Q U O D ,

C O N S . S U M . V E N . F A C . T H E O L . I N A C A D . A B O Ė N S I ,

P R Ä S I D E

L A U R E N T I O O . L E F R É N ,

S . S . T H E O L . P R O F . R E G . E T O R D I N .
E T E C C L E S I Æ V A L L I S G R A T I Æ P A S T O R E ,

A U C T O R

D A N I E L I D M A N ,

C O N C I O N . C A S T R . A D L E G . D I M A C H . E . O .

P U B L I C O E X A M I N I S U B J I C T E T ,

I N A U D I T O R I O M A J O R I ,

D I E X I I I . J U N . A N . M D C C L V X X V I I .

A B O Æ , T y p i s F R E N C K E L L I A N I S .

LEGEBE FIDEI
Gloria in Vincere
Excedente

Τῇ γὰρ χάριτί ἐσε σεσωσμένοι διὰ της πίσεως οὐκ
τέτο ὡκέ εξ ὑμῶν Θεᾶς τὸ δῶρον. Όυκ εξ ἔργων, ἵνα μή
τις ναυχίσηται. Ἀυτῇ γάρ εἰσμεν πόιμα, κτισθέντες ἐν
Χριστῷ Ἰησῷ ἐπὶ ἔργοις ἀγαθοῖς, οἷς προητοίμασεν ὁ Θεὸς,
ἵνα ἐν αὐτοῖς περιπατήσωμεν. Ephes. II. 8. 9. 10.

§. I

Ea nunc inciderunt tempora, quibus passim locorum au-
geri reperitur numerus hominum, qui, excusso securita-
tis veterno, assidue ingeminare incipiunt quæstionem custo-
dis carceris Philippensium: *Domini, quid faciam, ut salvus e-
vadam?* Quemadmodum hanç temporis felicitatem Ecclesiæ
Christi ex animo gratulantur omnes, qui ad hoc se vocatos
intelligunt, ut Novi Testamenti ministerio fungantur, non
litteræ, sed spiritus 2. Cor. III. 6. ita serio optant, ut quot-
quot sic querunt, ii semper fideles inveniant Doctores, qui
verbis Pauli & Silæ respondent: *Crede in Dominum Jesum
& salvus eris, ipse ac domus tua* Act. XVI. 30. Sed
jure veremur, ne iusto sœpius incident in manus imperitorum
magistrorum, qui, nescio quid scandali in responso Paulino
sominantes, multo prudentius & consultius opinantur Paulo
adversum tenere, quam obsequi, hos homines non ad LEGEM
FIDEI, sed ad LEGEM OPERUM pro imperio allegantes.
Sed hi erunt fere, qui nec Sacrae Scripturæ, nec Librorum
Symbolicorum Ecclesiæ nostræ spiritum cognoverunt. Quot-
quot enim hos confuluerunt magistros, talia responsa dare
non possunt. Omnibus igitur precibus rogandus est *Dominus
messis*, ut *veros & bonos in suam messem emittat operarios*
Math. IX. 38. Luc. X. 2. qui satis & prudentiæ & patien-
tiæ ad opus conferre didicerunt, satis quidem prudentiæ ad
dilcernenda grana a paleis & triticum a lolio, Math. XIII.

27. satis vero patientiae ad parcendum lolio, ne triticum si-
mul eradicent: v. 30. Immo rogandus est *bonus Pastor, qui
vitam tradidit pro ovibus* Joh. X. 11. *Magnus ovium
Pastor, quem Deus pacis ex mortuis reduxit* Ebr. XIII. 20.
ut suo gregi fideles præficiat Pastores, qui animo Pastoris prin-
cipis imbuti nihil reliqui faciant, quod ad oves bene *pascendas &
rite custodiendas* pertineat, ut neque lupina voracitate, neque
vulpina calliditate direptæ pereant, quas *Deus suo ipsius san-
guine redemit* Act. XX. 28. Cumque ad officium bonorum Pa-
storum hoc quoque pertineat, ut oves in *salubria* deducant
pascua, easque non nisi naturæ ovinæ idoneis impleant pa-
bulis, hoc nomine digni non sunt, qui eis pro divinis ora-
culis aut sui cerebri somnia, aut aliorum æque imperitorum
figmenta inculcant. Hoc non est *pascere*, sed *seducere gre-
gem Domini*. Idem quoque fentiendum de iis, qui quam-
vis ipsa Scripturæ verba continue crepant, verum tamen salu-
tis ordinem invertunt, eoque ipso non veram, sed falsam pro-
ponunt doctrinam. Qui hoc laborant vitio, non docent, sed
fallunt, non *convertunt*, sed *pervertunt* auditores. Quorum
utinam non legio esset nomen! Qui veram & sanam se-
qui volent docendi rationem, ii, *sumto Salvatoris jugo, ip-
sius se Scholæ tradere debent, ab eoque humilitatem &
mansuetudinem addiscere, ipsiusque exemplum non tam ex-
ternis vocibus, gestibus & actionibus, quam internis animi
motibus ac sensibus imitari* Math. XI. 29. abnegata omni
insolentia ac arrogantia, quæ & veritatis & pietatis pestes
sunt. Qui his laborant vitiis, ii non servi sunt Christi, sed
fuarum mancipia libidinum. His non *docere*, sed *jubere*, non
monere, sed *imperare* solenne est. Quos enim *monitis pa-
ternis* ad obsequium veritatis flectere deberent, eos minis &
plagis impellere solent, quasi non *ministri*, sed *Domini es-
tent Civitatis Christi*. Qui utinam ferio meditari vellent, quæ
ipse Salvator monuit Luc. XXII. 25. 26. 27. Paulus 2. Cor.
I. 24.

I. 24. & Petrus 1. Ep. V. 3. Sed vereor, ne de iis, qui nunc
esuriunt & sitiunt justitiam Math. V. 6. idem dici possit,
quod Paulus dixit de Corinthiis, eos inter *paucos patres decem millia paedagogorum* habere 1. Cor. IV. 15. Ipse certe
Salvator hujusmodi homines semper blande allocutus est, nec
alios severius tractavit, quam Pharisaeos, Sadduceos, & eos,
qui ex *oratorio Patris ipsius speluncam fecerant latronum.*
Math. XXI. 13. Quid autem cuique conveniat auditori, id
non cuivis pronum est decernere, sed iis fere, qui ad bo-
num animum *amore Christi* flagrantem 2. Cor. V. 14. 15.
maturum adjecerunt *judicium* diuturna subactum *experientia*
Ebr. V. 14. Phil. 1. 9. 10. Nihil vero tam difficile est, quam
homines Pharisaico tumentes fermento eo humilitatis redige-
re, ut purae se gratiae submittant, abjecta omni fiducia,
quam in externa operum justitia posuerint. Quamvis enim
verbis adgnoscere videantur *gratuitam* prorsusque immeritam
hominis peccatoris *justificationem coram Deo*, factis tamen
eam, quoad ejus fieri potest, inficiantur, semper aliquid ex
suo admiscentes figmento cordis, ne in totum pura servetur.
Quid? quod non desint homines melioris forte animi, quam
judicii, quibus adeo exosa est doctrina, que omnem operum
laudem excludit, ut quos eam in deliciis habere audiunt, eos
statim dignos judicent, in quos plaustra convictionum conji-
ciant, ad ravim usque clamantes, omnem *aboleri legem*,
omni vitiorum generi valvas & januas aperiri, & nominatim
securae hominum catervae exitiosa subjici pulvinaria. Sed ni-
hil horum ex vera & sana de gratuita penitusque immerita
justificationis peccatorum doctrina sequi, facile intelligere pos-
sent, nisi dedecori sibi ducerent *nibili pendere* omnia sua
opera, quae tot *luctis & pugnis* ab iniqua redemerunt natu-
ra. Nihilo tamen minus credendum est Paulo, qui fide non
labefactari, sed *stabiliri* docet *legem*. Rom. III. 31. Quid?
quod lege demum fidei id *praestari* possit, quod a lege ope-

rum frustra extorquere satagit turba justitiariorum. Nobis igitur, cum iussu Ejus, cui refragari nefas est, injunctum es-
set, edito specimine Theologieo, rationem reddere diligentia, quia, ad subsellia Academica remissi, in hoc genus studiorum incubuimus, id demum huic scopo rectissime inservire judi-
cavimus argumentum, quod ad hanc veritatem & nobis & a-
liis imprimendam pertineret. Quare ad ductum oraculi Pau-
lini Rom. III. 27. monita non nulla de Præstantia Légit Fidei in medium proferre decrevimus, quae ut lectores in par-
tem interpretentur meliorem, eos quo decet verborum ho-
nore rogamus.

§. II.

Quod nobis hoc specimine enucleandum propo-
suimus argumentum, id verbis Græcis ita expressit
Paulus: περὶ οὐνοῦ ἡ καύχησις; ἐξεκλείσθη. Διὰ ποίου νόμου;
τῶν ἔργων; Οὐχί αλλά διὰ νόμου πίσεως. h.e. *Ubi igitur est gloriatio? Exclusa est; Per quam Legem? Operum? Non; sed per legem fidei.* Quid Apostolus hoc loco nomi-
ne *Legis Fidei* insignitum voluerit, præcipua erit quæ-
stio, ad quam tota hæc disputatio redabit. Prius ve-
ro quam ad eam rite respondere possimus, necesse
habemus de scopo exponere, propter quem hæc ver-
ba ab Apostolo sunt adducta. Scire igitur licet, quod
Paulo propositum erat vexatissimam decidere contro-
versiam, cuius exordia Act. XV. descripta legimus.
Simul enim ac gentiles Evangelio sibi adnunciato
fidem præbuerant, per eamque Spiritum Sanctum ac-
ceperant, quæsitum fuit, *utrum necesse esset, ut hi cir-*
cum-

*) 5 (*

cumciderentur & ad servandos ritus Judaicos, qui lege Mosis præscripti erant, adigerentur? Adfirmabant conversi Judæi, præsertim qui ex secta Phariseorum erant, negabant vero Apostoli, qui suam sententiam consilio Hjerusalem habitu stabiliverant. Tantum vero abest, ut hoc decreto adquiescerent omnes, qui natione Judæi, religione Christiani erant, ut potius hanc *controversiam* continuo renovarent. Eo tempore, quo Paulus suam ad Romanos scripsit Epistolam, inter Christianos, qui Romæ erant, eadem vigebat *controversia*, quæ animos gentilium recens conversorum haud parum turbabat, præsertim cum conversi Judæi illos nullo pacto pro legitimis Ecclesiæ membris habere vellent, nisi avita *Judæorum instituta*, & nominatum ritum *circumcisionis* adoptarent. Qui enim natifuerant Judæi, ii, pro innata genti superbia, *Judæum & sanctum, gentilem & peccatorem* unum idemque sonare opinabantur, vindicatæ sibi prærogativæ hanc prætexentes caussam, quod non tantum posteri erant Abrahami, Deique foederati per circumcisionem, cuius signum unusquisque Judæus suo præferebat corpore, sed membra quoque populi Israëlitici, quem Deus, inito foedere Sinaitico, suum fecerat peculium, qua utraque prærogativa cum destituerentur gentiles, non prius posse putabant jure gaudere Civitatis Dei, quam signum admitterent *circumcisionis* Abrahamiticæ, jugoque se submitterent *Legis Mosaicæ*. Sed hanc utramque gloriationis materiam in nihilum redigit Paulus pas-

sim in Epistolis suis, & nominatim in ea, quam ad Romanos scripsit, non minus solida quam arguta distinctione adhibita infer circumcisionem *cordis* & circumcisionem *corporis*, nec non inter legem *cordi* & legem *lapidi* inscriptam. Rom. II. 15. 28. 29.

§. III.

Primum quidem quod ad defectum adtinet circumcisionis, quem Judæi gentilibus exprobrabant, totum negat argumentum. *Abrahamus*, inquit, qui solorum Judæorum pater est respectu generationis ex carne, pater omnium est credentium respectu regenerationis ex fide. Rom. IV. 12. Gal. III. 7. 8. Gentiles Christo credentes pro vere circumcisionis haberi debere, ex eo demonstrat capite, quod animo gaudebant circumcisio, quippe qui vera & viva fidei usura Christo non tam adhærebant, quam inhærebant, & nuncio dudum misso omnibus peccatorum cordibus, quibus animum ante sui conversionem inquinaverant, jam omnibus se fructibus conversionis pulcherrime ornatos ostendebant. Rom. VI. 1. — 8. Quare judæos non conversos pro incircumcisitis potius habere æquum erat. Neque enim jure ex vacuo signo gloriari licet, ipso signato, ipsa rei substantia destitutis. Hunc spiritum, hunc sensum esse ceremoniæ circumcisionis non solum ex assertis Pauli Rom. II. 27. 28. 29. I. Cor. VII. 19. Gal. V. 6. VI. 15. sed etiam ex testimoniosis scriptorum

rum veteris fœderis Deut. X. 16. XXX. 6. Jerem. XXXII.
 39. Hez. XI. 19. XVI. 30. constat. Nec verior erat materia
 gloriationis, quam Judæi ex lege Mosis exculpabant.
 Quam enim legem Judæi *tabulis incisa lapideis* habebant,
 ea gentiles *tabulis cordis carnis inscripta* gaudere con-
 debat, adeoque alteris præ alteris ex hoc quidem capite
 caussam gloriandi nullam esse Rom. I. 19. 20. II. 14. 15.
 eoque minus Judæos aliquam exinde prærogativam
 jure sibi vindicare, quod non minus ipsi, quam genti-
 les, datam sibi *legem violaverant*, id quod prolixo cri-
 minum catalogo utrisque exprobrat Apostolus Rom.
 I. II. capitibus, unde sequebatur, non solum *vacuum*,
 sed etiam *stultam esse gloriam*, quam ex lege violata
 accescebant. Neque enim quisquam *audiendo*, sed *fa-
 ciendo* legem justitiae laudem meretur. Quid? Quod
 judæorum, quam gentilium eo deterior esset conditio,
 quo enorius est facinus expressam legis litteram,
 quam debilius ac obscurius naturæ lumen negligere.
 Rom. II. 17. sqq. Ex quo igitur Paulus hoc modo
 omnes homines, sive Judæorum, sive Gentilium ex gre-
 ge essent, in unam conjecterat *massam*, hanc subjungit sen-
 tentiam: πάντες ἐν ἡμαρτού καὶ υἱερεῖται τῆς δόξης τῆς
 Θεᾶς. Quæ quidem verba duo involvunt. Verbum
 enim ἡμαρτού ipsum actum dicit peccantium, quo sibi
 culpam & pœnam contrahunt, locutio vero υἱερεῖται
 τῆς δόξης, nostro quidem judicio, ipsum culpæ ef-
 fectum dicit, quo nimirum naufragium famæ faci-
 unt, vel ut fortius loquar, tetram infamiae notam adtra-
 unt

unt. Quemadmodum enim qui simplicem decoixerunt existimationem indigni habentur, qui honestorum hominum confortio utantur, ita per peccatum omnes homines indigni sunt, qui coram Deo compareant, ejusque confortio beatifico fruantur. Atque ita clarissime patet, quid sibi velit verbum *justificandi*, quippe quod *actus* denotat, quo macula infamiae tollitur, & pristina redditur innocentia, ut homini peccatori nihil amplius adhæreat probri, quod Deo infinite justo impedimentum objiciat, quominus illi liberum accessum ad se concedere, & accedentem perpetua gratia amplecti possit. Huc igitur redit quæstio, quo pacto homini confessi peccatori hæc tanta felicitas obtingere queat? Respondet Paulus v. 24 hoc fieri δωρεάν, *gratis*, nullo intercedente merito, τῇ αὐτῷ χαρίτι ipsius gratia. Pronomen αὐτὸς refertur ad Deum v. 23. nominatum. Διὰ τῆς ἀπολυτρώσεως τῆς ἐν Χριστῷ ἵνσου. En modum, quo Deus aditum sibi patefecit ad exercitium gratiæ, quod sine redemtione locum habuit nullum. Nam Deus est æque infinite *justus* ac infinite *bonus*.

§. IV.

His præmissis, ad verba Textus, quem §. II. adposuimus, redire licet: πᾶς ὅννα καύχησις; vox καύχησις quid hoc loco significet, omnium primo eruendum. Nostro quidem judicio nihil est aliud, quam *actus*,
quo

9

quo quis ita sibi gratulatur suam justitiam, eamque perfectam, ut ei ex merito debeatur hereditas vitae aeternae. Hanc gloriationem cum Apostolus per legem operum non exclusam, per legem vero fidei exclusam esse dicit, ad duplarem nos deducit quæstionem, quarum altera de eo est, quid lex operum? altera de eo, quid lex fidei hoc loco significet? Lex utrobique Fædus significat; Lex operum fædus legale, Lex fidei fædus Evangelicum. Quæ adjiciuntur voces operum & fidei, eæ conditiones horum fœderum determinant. Prius fœdus breviter expressum sic habet: *Fac legem, & vives,* posteriorius: *Crede Evangelio, & vives.* Quænam ve-
ro est ratio, cur fœdus legale non excludat gloriatio-
nem? Hoc ex ipsa fœderis conditione descendum.
Sic igitur lex operum plenius exprimi debet: Facea,
quæ lex imperat, fac omnia, fac ea semper & ubi-
que, fac ea modo perfectissimo. Si hoc facis, nulla
in te culpa est, ob eamque caussam nulla adest ratio,
cur a fruitione vitae aeternæ excludaris. Deus enim
justus est, & non potest non fidem datam servare.
Sed, inquires, cum Deus talem tulit legem, ludum jo-
cumque fecit homines, quod Deo prorsus indignum
est. Minime. Omnino ferio egit, non quod ipse sci-
vit, in potestate hominis positum esse talem legem
implere, sed ut homo sciret, quanta esset gratia, qua
sine operibus justificatur, atque hoc facto, tam grato
imbueretur animo, ut eo postea ad omne officii ge-
nus non tam duci quam trahi, non tam ferri quam

rapi posset. Nihil enim amore fortius. Quem enim quisque impensissime amat, ei obsequia præstat promtissime, & quidem ita, ut exinde maximam voluptatem percipiat, jucunditatemque. Atque ita intelligere datur, cur Paulus legem fide stabiliri adseruerit Rom. III. 31. Hunc vero ordinem servat amor, ut Dei amor nostri præcedat, & noster amor Dei sequatur. Nisi enim ille hunc accenderet, frigidi essemus in æternum. Hoc nos docet Johannes I. Epist. IV. 7. 8. 9. 10. &c. Sed hunc Dei amorem cognoscere & credere debemus v. 16. Atque ita sponte sua se nobis penitus introspiciendam sistit Lex fidei, qua Fœdus Evangelicum indigitari diximus.

§. V.

Vox fidei varie sumitur in Sacris Litteris. Hoc loco duas tantum adnotasse sufficiat hujus vocis significaciones, quas adhibere solent Theologi, cum fidem distinguunt in eam, *qua creditur*, & eam, *qua creditur*. Illam interpretantur *doctrinam*, quæ fidei objectum est, hanc *ad sensum*, quem huic doctrinæ præbere debemus. Si rationem, cur doctrina fides adpelletur, investigare velimus, rem paulo altius repetendam putamus, quam facere solent, quibus dixisse sufficit, ab objecto desumptam esse denominationem. Eam potius *Fidem* dictam putaverim, quod hæc doctrina, evidenter continet demonstrationem *completorum*

vaticiniorum, quibus Deus olim doctrinam Evangelicam promiserat. Hoc certe respectu Deus in Sacris Litteris passim dicitur πιστός, fidelis, v. g. 1. Cor. I. 9. X. 13. 2. Cor. I. 18. 1. Thes. V. 24. 2. Thess. III. 3. &c. unde πίστις ei tribuitur, cum dictorum constantia est significanda. Christo enim misso, passo, mortuo &c. liberavit Deus fidem, quam patribus dederat. Hinc fides quae creditur, πιστὸς λόγος dicitur 1. Tim. I. 15. IV. 9. Tit. I. 9. III. 8. Quare alio nomine λόγος ἀληθείας passim insignitur 2. Cor. VI. 7. Eph. I. 13. Jac. I. 18. eadem doctrina, non tantum ideo, quod abhorret ab omnibus fraudibus, fallaciis & mendaciis, sed & ideo, quod gratiam Evangelicam in umbris & figuris olim delitescerent in apricum produxit. Quare etiam absolute ἀληθεία sæpiissime adpellata reperitur. e. g. Joh. VIII. 32. XVII. 17. 19. 2. Cor. VI. 7. Gal. III. 1. V. 7. Eph. I. 13. 2. Thes. II. 12. 25. 2. Tim. IV. 4. 1. Tim. II. 4. VI. 5. Eadem ratione adpellatur nunc λόγος χάριτος Act. XIV. 3. XX. 32. nunc absolute χάρις Rom. VI. 14. 15. in oppositione nimirum ad legem, quæ non grata sed dura observatu erat, Act. XV. 10. nec verum & vivum excudebat Salvatorem, sed tantum obscuram ejus umbram delineabat. Col. II. 17. Ebr. VIII. 5. X. 1. Externa saltem littera Legis nihil nisi cultum habebat umbraticum, qui insuper non gratiam, sed iram Dei, non justificationem, sed condemnationem peccatorum concionabatur Rom. IV. 15. Quatenus

vero sub hoc velo latebat doctrina Evangelica, hæc
nunc πνεῦμα, *Spiritus*, Rom. II. 29. VII. 6. VIII. 2.
4. 5. 6. 9. 10. 2. Cor. III. 6. 8. 17. nunc ψυχὴ Eph.
I. 9. 10. Col. I. 26. &c. *Spiritus* quidem eodem sen-
su, quo veritas. Nam spiritus id dicitur, quod Le-
gibus ritualibus præfigurabatur. *Sensus* *Mysticus* di-
ci solet. *Mysterium* vero, quod hic sensus prius non
patebat, quam *velum Mosis* remotum esset, ut in i-
psum quasi *fundum Legis* introspicere liceret. 2. Cor.
III. 14. 15. 16. 17. quo quidem ultimo commate vox
ἐλευθερίας non libertatem agendi, sed libertatem intro-
spiciendi & perspiciendi sensu reconditum, quæ, ve-
lo demum detecto, per Christum datur.

§. VI.

Atque hæc de *Fide*, quæ creditur, monuisse suffi-
ciat. Nunc ad *Fidem* progredimur, qua creditur.
Hoc genus fidei generatim loquendo est *affensus*,
quem quis alicui dat *propositioni*. Qui artificiosius,
quam popularius loqui amant, ii aliis propositionum
generibus locum dandum non putant, quam in
quibus ratio credendi ex *auctoritate* proponentis pen-
det. Atque ita fidem in *Humanam* & *Divinam* distin-
guunt, prout vel humana vel divina nititur *auctorita-*
tate. Hæc, ratione objecti, absolutæ, illa hypotheticæ
est certitudinis, quamvis utraque ratione subjecti sæ-
pius justo scrupulosior esse possit. Quod si vero com-

munem loquendi consuetudinem sequi velimus, *fides*
 erit *adsensus*, quem quis alterius enunciationibus *præbet*,
 cuius demum cunque fuerint generis, ne iis quidem ex-
 ceptis, quæ ex notionibus omnium communibus &
 experientiis quibusvis indubitatis constant. Si te non
 credere dices, solem lucidum & ignem calidum es-
 se, ludibrio te exponeres hominum simplicium, qui
 hoc non credere stultorum, immo insanorum esse pu-
 tabunt. Si hoc te scire, non *credere*, dixeris, idem
 de te ferent judicum, quod de Paulo tulit Festus Act.
 XXVI. 24. Hanc communem loquendi consuetudi-
 nem Sacræ etiam Litteræ sequntur, cuius rei testi-
 monium habemus in colloquio Salvatoris cum Thoma
 Joh. XX. 25. 27. 29. ut alia Scripturæ loca si-
 lentio præteream. Hinc fides in *Historicam & Do-*
gmaticam distinqui posset, prout sensus vel histori-
 cis, vel dogmaticis adhibetur propositionibus. Fides
 vero *historica*, quæ vel nudam rerum notitiam, vel
adsensum solummodo humanum veritatibus salutaribus
 datum significat, fidei nomen non meretur. Ad *prære-*
quisita fidei hæc referri debent, ipsam vero fidem non
 ingrediuntur, nedum absolvunt. Multo minus *notitia*
morta & *adsensus mortuus*, si quis datur, fidei nomi-
 ne venire debet. Fides enim est aëtus mentis, quo
 quis *certo statuit, verum esse quod proponitur*. Nec
 quisquam ea se putat, aut dicit credere, quæ ipsi du-
 bia sunt, nisi is sit, quem certum aliquod interesse eo
 vel stupiditatis vel necessitatis adegerit, ut aliena ab

animi sententia proferat, aut se ipsum, aut alios decepturus. Quibus in casibus hoc locum habere possit, nunc non vacat exponere. Interea Lectores brevitatis caussa ad quotidianam remittimus experientiam & præcipua incredulitatis exempla, quæ ipsi Discipuli Christi ostendebant, antequam Spiritus Sanctus post ascensum Domini ad cœlos omnes dubitationis fluctus sedaverat. Sed meminerimus, nobis in primis propositum esse disputare de *Lege Fidei*, quæ *Legi Operum* opposita, omnem *excludit gloriationem*, Pauloque in loco, quem præ manibus habemus, de alio fidei genere sermonem non esse, quam quod *scopeo* ipsius inservit, qui ad *justificationem* hominis peccatoris *coram Deo* tendit.

§. VII.

Si Legem fidei paucis verbis repræsentare & una expressam propositione exhibere velimus, nulla nobis nec brevior, nec aptior videtur, quam quæ responso absolvitur Paulino, cuius supra mentionem fecimus: *crede in Dominum Iesum Christum & salvus evades* Act. XVI. 31. Hic habemus σοφιάν Θεᾶς ἐν μυστηρίῳ 1. Cor. II. 7. hic habemus τὸ μέγα τῆς ἐυσεβείας μυστήριον 1. Tim. III. 16. hic habemus νόμον τέλειον τῆς ἐλευθερίας Jac. I. 25. quæ non obscuris symbolis imperfecte instruit, sed ipsum AGNUM DEI auferentem peccatum mundi in substantia exhibet Joh. I. 29. quæ non more paedagogi

gi virga & ferula nolentes terret & cogit, sed *spiritum*
largitur *spontaneum*, qui efficit, ut *præcepta in deliciis*
habeamus Ps. CXIX. II. 14. 24. 32. 35. 39. 45. 47. 56.
72. 93. 97. 99. 103. III. 127. Gal. III. 24. IV. 1. 2. 3.
5. 6. 7. sed hanc animi voluptatem, quæ ex facienda
lege percipitur, deinceps considerabimus. Nunc pri-
mum fidei actum declarare volumus, quo *Christum*
legis spiritum sibi oblatum recipit, eoque ipso hoc præ-
stat miraculum, ut homo, qui in judicio Dei omnia
scientis ac videntis purus putus stigmatias erat, o-
mnibus peccatorum fordibus intra & extra contami-
natus, ob eamque caussam acutissimis conscientiæ *dol-
oribus, angoribus & terroribus* vexabatur, *sententia*
Dei absolutoria ab omni se *culpa* ac *pæna* liberatum
fentiat, ipsique ob tantum beneficium *gratias* agat
humillimas, nihil magis in votis habens, quam ut i-
psum in posterum *ex toto animo diligat*, ipsiusque *præ-
ceptis obedientiam præstet perpetuam*, nuncio missio o-
mnibus, quæ conscientiam antea adflixerant, pecca-
tis. Hæc est fides justifica & salvifica. Et quam-
vis forte non desint, quibus satis fuisse videatur, si
justificationem hominis peccatoris in nuda & sola re-
missione, seu non imputatione peccatorum posuisse-
mus, nulla mentione facta fructuum, quos adposui-
mus, de industria tamen hos adjecimus, partim ut
non separaremus, quæ Deus voluit esse *conjunctissima*,
partim ut ostenderemus, hominem non *falsa* sed
vera, non *morta* sed *viva* justificari *fide*, nec aliam

ve-

veram esse fidem, quam quæ inter dolores atque
 angores oritur conscientiæ, gratum animum habet
 adjunctum, & fugam peccatorum perpetuam, non ex
 nudo & solo pœnarum metu, sed, quod virtutis est,
 ex vero & vivo Dei, justitiæque amore derivandam.
 Hoc enim consilio viam præcludere voluimus teme-
 ritati eorum, qui, nescio qua animi cæcitate percussi,
 remissa hæc somniant peccata, quæ nunquam serio
 fuerunt detestati, fidemque sibi singunt deceptricem,
 quæ nec præcedentis pœnitentiæ peccatorum, nec
 subsequentis obedientiæ mandatorum gnara sit. Ni-
 hilo tamen minus hac lege fidei omnem peccatoris
gloriationem penitus exclusam, & omnem justificationis
 laudem Deo relictam volumus. Quum justi & injus-
 ti, justitiæ & injustitiæ in hac doctrina perpetua fieri
 soleat oppositio, verbo monendum est, hic *ju-
 stum* dici, qui *nulla* prorsus *culpa* tenetur, & quem
nulla ideo *pœna* manet. *Justitia* igitur *immunitatem*
involuit universalem ab omni peccatorum genere, quo-
cunque demum nomine veniat. Unde quid *injustus* &
 quid *injustitia* sibi velint, vi oppositorum constat.
 Quando igitur homini peccatori obtingit justificatio,
 tunc tam *justus declaratur*, ac si *nullum unquam pecca-
 tum commisisset*, seu, quod idem est, *omnia ei peccata re-
 mittuntur, quam multa & varia, quam gravia & enor-
 mia unquam esse possint.* Dici igitur vix potest quantus
 bonorum cumulus in hac brevissima contineatur
 propositione: PECCATA TIBI REMISSA SUNT. Ubi
 enim

enim nullum est peccatum, ibi nulla est pœna, ubi nulla est pœna, ibi nullus dolor, nullus angor, nullus terror adest conscientiæ, sed status vere beatus Ps. XXXII. 1. 2. eoque beatior, quod quamdiu durat sibi conjunctum habet omni dulcedine dulcius solarium ac gaudium, durare vero potest & debet in omnes æternitates. Hæc Græca sunt iis, qui caussæ salutis secure indormiscunt, nec quid dolor & angor de admissis, nec quid solarium & gaudium de remissis peccatis fit, intelligentes.

§. VIII.

A re igitur alienum non fuerit hoc loco unum alterumve monitum de *genesi Fidei justificæ & Salvificæ* interferere? Primum quidem hoc certum est, hanc fidem oriri non posse nisi in animo hominis pœnitentis, & quidem *ita pœnitentis*, ut, *abjecta omni fiducia in iis posita, quæ ex mandato Legis operum præstare conatur, omnem justitiae laudem aliunde querendam esse, discat*. Sed homines pœnitentiam agentes eo *humilitatis ac sinceritatis deducere, ut nihil suis viribus, nihil suis operibus tribuant, sed de his omnibus plane desperant, & omnia, omnia, omnia ex mera Dei gratia & sperare audeant, & haurire discant, hoc opus hic labor est*. Hoc enim *nemo homo, quantacunque vel sapientia, vel eloquentia polleat, sed solus Deus omnipotens efficere potest*. Ad fidem enim animo

humano ingenerandam non minor sufficit potentia,
 quam qua *Deus ex mortuis excitavit Christum*, quem
 pondus peccatorum totius mundi oppresserat, suffo-
 caverat, examinaverat Eph. 1. 19. Coll. I Joh. II 2.
 Sed ut hoc credant, qui, excusso securitatis sommo,
 apertis oculis videre cœperunt, in quantam se mi-
 seriam transgressione legis operum præcipitarunt, om-
 nium difficillime a se impetrare possunt. Quotus e-
 nim quisque est, qui non, saltem aliquandiu, in ea est
 hæresi, ut sibi persuadeat, justum se fieri posse, si se-
 dulo ad hoc impeccabat, ut quæ bona & recta sint
 faciat, quæ mala & prava sint omittat. Quo quisque
 sibi in hoc proposito longius videtur progressus, eo
 se somniat justiorem esse, & quod adhuc absurdius
 est, eo se effert insolentius, plastra convitorum in eos
 conjiciens, qui sua sequi vestigia detrectant. Interea
 si operariam eorum justitiam paulo proprius intueri
 liceat, nihil aliud continet, quam opera externe hone-
 sta, quæ a quolibet homine postulari possunt. Qui
 ceteris rectius sentiunt, ii ad hoc quoque evigilant, ut
 interiores quoque sordes expurgent, sed nihil aliud co-
 nando efficiunt, quam *bos*, qui *in lutum* incidit, qui
 quo se *jactat fortius*, eo se *in lutum demergit altius*,
 donec necesse habeat clamare cum iis, quorum statum
 sub lege operum describit Paulus Rom. VII. 24. τα-
 λαπωρος ἐγώ ἀνθρωπος &c. Quam acribus dolorum
 facibus urantur, quam gravibus fluctibus terrorum
 jacentur, qui pugnam inter exteriorem & interio-
 rem

rem sui hominem recte sentiunt, id non alii intelligunt, quam qui ipsi sunt experti. Inter hos *conscientiae terrores & tremores*, qui pro infinita *hominum* differentia ratione sexuum, ætatum, temperamento-rum, aliarumque circumstantiarum *infinite variant*, oriri solet *vera fides*, simul ac homo desit quærere, *utrum sit peccatum, an non sit peccatum, & utrum levius an gravius haberidebeat, adprobans judicium Dei*, quo omnia peccatoris opera utcunque insignem *honestatis speciem* præ se ferant, sub *peccatum conclusit*. Rom. III. 9. 10. XI. 32. Gal. III. 22. Ps. XIV. 23. LII. 3. 4. Nihil enim tam *perfecte bonum* ab imbecillitate hominum exspectari potest, quin aliquid ei adhæreat vitii. Et si omnium hominum aciem oculorum fugeret, divinam tamen scientiam non fugit. Infinitæ sunt circumstan-tiæ, quæ faciunt, ut alii *citius*, alii *serius legi fidei obtemperare* discant. Has si determinare vellemus, temere desudaremus. Interim tamen quotidiana do-*cet experientia*, alios *citius*, alios *serius Deo vietas dare manus*, ejusque tum *justitiae exadissimam rectitudinem*, tum *misericordiæ immensas divitias adgnoscere*, u-trique quod suum est tribuendo. Qui Deum recte cognoverunt, eumque *talem adgnoverunt, qualem se suo in verbo ipse descripsit*, ii hæc duo verissima esse statuunt, Deum adversus peccatum *æterno adio*, erga ipsum vero peccatorem *æterna gratia plenum esse*. Huc igitur spectant omnia Dei instituta, quæ in re-gno gratiæ procuravit, ut homo, ab omnibus pecca-

torum cordibus perfecte liberatus, totum se gratiae fin-
 gendum atque formandum tradat, atque ita *æternis solatiis & æternis gaudiis* fruatur. Hunc in finem *unigenitum filium in mundum misit*, ut patet ex effato ipsius filii Joh. III. 16. Sed nisi hic acceptetur, nulla salus locum habere potest. Haec acceptatio sit fide, quæ Dei promissis assensum præbet. *Nec plus, nec minus ad justificationem requiritur peccatoris.* Sed fides debet esse *vera*, non ex verbo *humano*, sed ex verbo *divino* orta. Hoc verbum prius *cognosci & intelligi* debet, quam fides ei rite possit tribui Rom. X. 14. Fa-cessant igitur *humana somnia*, quæ Deum aliter animatum fingunt, quam ipsius verbum docet. Hoc verbum *omnia parata esse* dicit, jubetque omnibus, ut *veniant ad nuptias* Math. XXII. 4. Fide vero venitur Joh. VI. 35. Sed ad Christum est veniendum, in Christum credendum. *Ipse, non alius, est via, veritas & vita* Joh. XIV. 6. Christi ejusque meriti explicitam notitiam requiri, antequam fides accendi potest, ipsa rei natura docet, adgnoscente & confirmante *Scriptura* Rom. X. 14. 15. Ipsa vero fides ab assensu incipit & in fiducialem adprehensionem & fruitionem Christi ejusque meriti definit. Prima assensus initia in animo hominis vere pœnitentis, peccatorumque turpitudinem detestantis tremulum quoddam gratiae cognitum desiderium, quod sibi conjunctos habet radiolos quosdam spei remissionis peccatorum, modo eminus, modo proprius inter dolores & angores promicantes. Hoc Salvatori dicitur *esurire & sitiare justitiam*, qui certum saturacionis promissum addit Math. V. 6. Hoc gratiae desi-
 de-

derium continuo auget Spiritus Sanctus, primis spei scintillis oleum Evangelicum adfundendo, donec in plenam & claram erumpit flammarum fiduciae, qui demum vera & viva est Fides? vera quidem, cum ad sensus veritati datus non sit vacua quædam *imaginationis dormientis*, sed plena *persuasio vigilantis*, viva vero, cum non consistat *intra nudam speculationem & probationem intellectus*, sed veram involvat adprehensionem voluntatis, & fruitionem objecti sui justifici, quod est CHRISTUS peccatorum Expiator. Præterea eo etiam respectu viva dici potest, quod illo ipso temporis momento, quo Christum adprehendit, non tantum persentiscit donum remissionis peccatorum, quod meritum ipsius adprehensum confert, sed etiam hoc ita afficitur, ut qui inde nascitur *sensus gaudii jucundissimi & latitiae defæcatissimæ* per totam vitam memorie infixus hæreat. Neque enim fieri potest, ut tanta interioris hominis, omniumque ejusdem sensuum mutatio sine vividissima adperceptione peragatur, præfertim cum affectus grati animi, qui ex justificatione exardescit, omnes hominis vires incredibiliter recreet & renovet. Qui aliter sentit, is eo ipso haud obscure prodit, se nondum fuisse expertum, quid sibi velit e statu iræ & condemnationis in statum gratiæ & justificationis transferri. Hæc ea fides est, quam justificam & salvificam dicimus. Quæ his effectibus non eluet, ea pura puta est *deception*, quæ nec justificat, nec salvificat, sed hominem peccatorem in statu maledictionis & condemnationis relinquunt. Quam vis enim alii at-

que alii sint *gradus* tum *dolorum* & *angorum*, qui præcedunt, tum *solatiorum* & *gaudiorum*, quæ sequuntur *justificationem*, minimus tamen *gradus* utrorumque major est, quam *inexpertis* in mentem venire potest.

§. VIII.

Quoniam vero ministri *Evangelii*, qui ex *pergefactis conscientiis* Legem *Fidei* inculcare sat agunt *immensas divitias gratiæ divinæ* prædicando, nihil saepius occini audiunt, quam *defectum dignitatis recipiendi*, quod iis offertur, *beneficium justificationis*, hoc loco paucis ostendisse juvabit, quam absurdam ore loquela fundant, qui suæ *credendi tarditati indignitatis excusationem prætexunt*. Neque enim *gratia* esset *gratia*, si *dignis* conserretur. Quisquis *gratiam divinam meritis vel promereri vel provocari somniaverit*, is *notionem nominis gratiæ* destruit, & æque absurde loquitur, ac si *visu sonorum & auditu colorum qualitatem percipi* diceret. *Ipsa enim natura gratiæ* hoc postulat, ut *indigni* sint quibus obtingat. Sic certe Paulus judicat Rom. X. 6. ubi *gratiam non fore docet*, si locum relinqueret operibus, ex iisque suos suspenderet actus. Quamvis enim Apostolus hoc loco aliam tractet quæstionem, eandem tamen notionem nominis *gratiæ* retinet. Hinc ubi in eo versatur, ut causam *justificationis* exponat semper omnia *excludit opera*,

ra, eamque meræ superstruit gratiæ. Sic hominem
 hoc beneficio potiri dicit ἀργεῖν, gratis, χωρὶς ἔργων
 νομοῦ, citra legis opera Cap. III. 24. 28. fidemque ho-
 mini non operanti, sed credenti imputari ad justitiam
 Cap. IV. 5. Quid? quod eum, qui gratia justificatio-
 nis beatus est, ibidem diserte vocet ἀσεβῆ, impium,
 quo quidem nomine et si digitum non intendat in e-
 jusmodi hominem, qui omnem exuit speciem exterio-
 ris honestatis, seque in omnis generis scelera & flagi-
 tia ingurgitat, instar equi in prælium ruentis Jer. VII.
 6. Talem tamen intelligit, qui reus est condemnatio-
 nis, nihil habens, quod nomine boni operis insignire
 possit, quamvis coram hominibus tam probus & justus
 adpareat, ut dignum habeant, cui statuas publice po-
 nant. Quum Deus hominem invenit peccatorem,
 quem justificaturus est, non quaerit, quam multa aut
 pauca, quam gravia aut levia commiserit peccata, sed
 quam indignum se gratiæ sentiat. Ratio in promtu
 est. Gratia enim divina non est exigua quædam la-
 cuna, sed immensus Oceanus, qui æque maximis atque
 minimis hominum culpis eluendis ac penitentias de-
 sertis sufficit. Mich. VII. 19. Quare etiam cum altitu-
 dine cœli comparatur Ps. CIII. II. CVIII. 5. Quis-
 quis igitur Legi Fidei obedientiam præstare eo nomi-
 ne detrectat, quod nimia sit tum multitudo, tum turpi-
 tudo peccatorum, quibus se obrutum sentit, is dicam
 scribit Paulo, qui gratiæ divinæ ὑπερβάλλοντα πλή-
 τον Eph. II. 7. ἀνέχιξινασον πλήτον Cap. III. 8. tribuit.

Hic

Hic falsus prætexus, quem multi suæ incredulitati obtendunt, plenus absurditatis est. Neque enim Deo, qui immensa abundat gratia, & Christo qui infinito excellet merito difficilius est gravissima quam levissima remittere peccata, modo peccator, iis agnitis, justitiam effuriat & fitiat, legique Fidei obedire non detrectet. Si vel totam perlegeris Scripturam Sacram, ne minimum invenies vestigium, ex quo colligere liceat, ullum peccatorem vere pœnitentem a Deo unquam ob multitudinem aut turpitudinem peccatorum fuisse rejectum. Quin potius ipse Salvator optimus maximus, nullo discrimine addito, ad se invitet omnes, qui onere peccatorum pressi & fatigati sint Math. XI. 28. & diserte negat, se ullum, qui ad se venerit, ejecturum fore. Joh. VI. 37. Non veni, inquit, ut vocarem justos, sed peccatores ad resipiscientiam Cap. IX. II. Luc. V. 32. Venit ut medicus non recte valentes, sed morbo laborantes curaturus, non sacrificiis accipiendis, sed misericordia exhibenda delectatus Math. IX. 12. 13. Quid multis? Parabolæ Christi de ovicula perdita & de filio dissipato, quæ Luc. 15. leguntur, satis evincunt, nullum peccatum, quantumvis turpe & enorme fuerit, obstat, quominus vere pœnitens, Legi obediens Fidei, justificetur. Id quod etiam exempla DAVIDIS, PETRI, PAULI, Mulieris Peccatricis &c. extra controversiam ponunt, ut nihil dicam de multitudine & turpitudine peccatorum, quibus contaminati fuerant, quam plurimi, qui ex paganismo ad Christianismum ministerio

Apo-

Apostolorum convertebantur. Qui scire voluerit, quales multi eorum ante conversionem fuissent, is satis habebit legisse catalogum turpissimorum scelerum, quem Paulus i. Cor. VI. 9. 10. texuit. Hæc non ideo monemus, ut male sanam peccandi licentiam commende-mus, sed ut gratiæ Divinæ inexhaustas dñitias ex vero prædicemus, eoque ipso, si fieri potest, peccato-ribus etiam turpissimis spem faciamus impetrandi re-missionem peccatorum ἀωρεάν, sola hac conditione, ut nuntium mittant increduliati, & Christum ejusque me-ritum vera & viva fide amplectantur.

§. IX.

Interea non ideo Deus Legem Operum ab actu justificationis remotam voluit, quod homini peccatori gloriam se ipsum emendandi invidet, sed quod luce clarius videt, fieri prorsus non posse, ut hac via ad veram perveniat iustitiam. Quidquid enim virium ad hanc efficiendam sibi peccator insolentius quam sapientius arrogat, id purum est NIHILUM. Sed hoc ipsi persuadere, hoc opus hic labor est. Interea Sa-cræ Litteræ homini mere naturali facultatem emen-daticem & clarissime & certissime abjudicat. Ipse Salvator diserte dicit: *Sine me nihil potestis facere*, nullum fructum ferre Joh. XV. 5. & Paulus non tantum bene volendi, sed bene etiam faciendi facultatem a Deo profici sci docet Phil. II. 13. quemadmodum omnem of-ficii

ficii faciendi laudem sibi suisque operibus abrogat & Deo
in solidum tribuit, etiam quod ad *consilii capiendi* facul-
tatem attinet. 2. Cor. III. 5. Quantum boni exspe-
ctare licebit a nobis, qui in ipso utero ex *materia pec-
catrice creti* sumus, *sotique*. Psalm. LI. 7. & quorum
omnia *cordis figmenta inde a pueritia sunt mala?* Gen.
VIII. 21. *Quis integrum vitæ scelerisque purum inveni-
et ubi nemo est?* Job. XIV. 4. conf. Cap. XV. 14. 15.
16. Quid multis? Quotquot extra Christum sunt,
eos Paulus *atheorum* in numerum refert Eph. II. 12.
non quod omnes crassæ indulgent idololatriæ, quæ
in gentilismo viget, sed quod Deum neque timent, ne-
que colunt Ps. XIV. 1. sqq. LIII. 2. sqq. Rom. III. 10.
18. quodque ii, qui *sensum Numinis* admittere cœpe-
runt, sæpe non *filiali*, sed *servili* feruntur timore, i-
psumque potius *horrent*, quam *diligunt*. Quemadmo-
dum vero qui ita animo sunt affecti nihil habent, de
quo *gloriantur*, ita necesse est, ut Deo adhuc minus
placeant, cum eo stultitiae progrediuntur, ut, quam
sibi deesse intelligunt *justitiam*, eam uon tam *prec-
ibus expetere*, quam *operibus redimere* satagunt. Quid
vero de ista dicam stultitia, qua, nefariam hanc
mercaturam exercentes, Deum omnia videntem &
scientem *subaratis nummis decipere* non erubescunt?
Quid enim aliud est *justitia operaria*, quam *spuria
moneta*? Quid? mendacii arguendus est *Deus omniscius*,
*qui universaliter pronunciavit, nullum esse qui bonum fa-
cit, ne unum quidem?* Ps. XIV. 3. LIII. 4. Quod vero
via

via legis operum ad veram justitiam grassari non da-
 tur, id exinde provenit, quod homines mere natura-
 les *caro sunt* Gen VI. 3. caro vero legem enervat,
 ut justitiam Deo acceptam producere nequeat, quip-
 pe quod Paulus *αδύνατον, impossibile*, dicit Rom. VIII. 3.
 Nomine vero *carnis* intelligitur *vis adfectuum sensualium*,
 quæ tanta est, ut hominem in barathrum vitiorum præci-
 pitem agat nihil, pensi habens saniora monita, quibus
 intellectus verbo illuminatus eam ad obedientiam Le-
 gi præstandam revocat. Cap. VII. 14. 24. Quidquid igi-
 tur homo suis viribus & operibus ad sui Justificatio-
 nem & factificationem conferre valet, id purum pu-
 tum est *NIHILUM*, ut supra monui, quod ultra ex-
 teriorem actionum honestatem non progreditur. Quid?
 quod ne de hac quidem gloriari possit, nisi cui hone-
 sta contigerit educatio. Quum vero *Lex* sit *spiritua-*
lis, & omnium tum *superiorum*, tum *inferiorum* animi
facultatum consensum ad opus vere bonum producen-
 dum requirat, facile constat, quam vere dixerit Paulus:
 ἐξ ἐργῶν νόμου διαιωθήσεται πᾶσα σάρξ, nemo operi-
 bus Legis justificari potest Cap. III 20. Fieri igitur non
 potest, ut ad *justificationem* hominis peccatoris coram
 Deo, alia perveniatur *via*, quam quæ per *Legem Fidei*
 patet. Quoniam vero *Lex Fidei* verbo imperativo, *CRE-*
DE, exprimitur, ad duas hic respondendum est quæ-
 stiones, nimirum *quid* sit credendum? & *quatenus* cre-
 dendo obtineatur *justificatio*, seu, quod hic materiali-
 ter idem est, *remissio peccatorum?* Generatim loquen-
 D 2 do

do objectum Fidei est verbum Dei, sive id *præcepta*, sive *promissa* contineat. Qui justificabitur, ei necesse est, ut peccata & cognoscat & adgnoscat, iisque *serio doleat*. Vera enim fides locum non invenit in aliis, quam quos commissorum *peccatorum* ita *pænitit*, ut justitiam ardenter *esuriant* & *sitiant*, ut verbis Salvatoris utar Math. V. 6. Primum igitur credendum est *verbo Legis*, quod ipsam peccati naturam & horrendas ejus consequentias manifestat. Deinde credendum est *verbo Evangelii*, quod generatim immensas *gratiae* divinæ *divitias* aperit, & speciatim **CHRISTUM**, Eiusque *infinitum meritum* offert, tanquam unicum medium, quo tum *justitiæ* Divinæ in peccatores vibrata maledictionis *fulmina* evitare, tum *gratia* Divina peccatoribus *destinatum* & *procuratum* justificationis *beneficium* participare possint. Quemadmodum autem gravissimum est peccatum *verbo* cuicunque *Divino fidem negare*, quippe quod idem est, ac Deum sanctissimum mendacii arguere, ita negari non potest, quin fides, quæ veracitatem Dei agnoscit, inter bona opera locum teneat eximum. Maximi igitur momenti quæstio est, utrum Fides *eatenus* hominem peccatorem *justificet*, *quatenus* rationem habet boni *operis*? Non dubito fere, quibus ita videri possit, sed primum quidem hoc observandum, hujus quidem operis bonitatem, quanta quanta est, Deo tribuendam esse, juxta disertum effatum Salvatoris τῇ ἐσὶ τὸ ἔγρον τῇ θεῷ, ἵνα πισεύσῃτε ἐις ὃν ἀπέσαλεν Ἐκένος, hoc est *opus*

opus Dei, ut credatis in eum, quicm Ille misit. Joh. VI. 39.
quod quidem oraculum quamvis ita exponi possit,
ut opus Deo gratum designet, nihilo tamen minus
Dei proprium opus est juxta Col. II. 12. Phil. I. 6. II.
13. Ebr. XII. 2. Homo enim natura est incredulus,
& nunquam Deo crederet, nisi Spiritus Sanctus Fidem
accenderet, ut Lutheras ex vero docet in Expl.
Symb. Apost. Act. III. conf. dicta, quæ modo citavi-
mus. Qui viam pacis ignorant, quomodo notitiam
prærequisitam sua ipsorum opera comparabunt?
Ef. LIX. 8. præsertim cum natura sint tenebrae Eph.
IV. 18. v. 8. Qui in corde suo Deum esse negat Ps.
XIV. 1. LIII. 2. quomodo promissionibus Dei ad sensum
præbebit? Præterea ad sensus ad intellectum pertinet, qui
non activa, sed passiva animæ facultas est, adeo ut Fi-
des opus hominis eatenus esse nequeat. Quod ad
Fiduciam attinet, quæ ipsam Fidei animam constituit,
ea quidem tribuitur voluntati, quæ facultas vi agen-
di gaudet, sed nihil ad actum fidei conferre potest, ni-
si Spiritus Sanctus eam flecat Eph. I. 19. 20. Si qua
igitur vis inest Fidei ad actum justificationis produ-
cendum, eam non homini sed Deo acceptam refert.
Hinc Paulus hominem non διὰ πίστιν, propter fidem
sed διὰ πίσεως per fidem justificari dicit. Quum ve-
ro Fidei nihilominus vis agendi in Sacris Literis tri-
būatur, v. g. cum dicitur ἡ πίσις τοῦ σέσωκέ σε Math.
IX. 22. Marc. V. 34. Luc. VII. 50. XVII. 19. XVIII.
42. recurrit quæstio, numne ideo Fides rationem ope-

ris habeat in actu justificationis? Hoc negandum esse, nos docet ipsum verbum *justificandi*. Quoties enim in forma adhibetur *activa* toties Deo tribuitur e. g. Rom. XIII. 26. 30. IV. 5. VIII. 30. 33. quoties vero homini tribuitur, toties in forma occurrit *passiva* v. g. Rom. II. 13. III. 4. 20. 24. 28. IV. 2. V. 1. 9. VI. 7. I. Cor. IV. 4. VI. 11. Gal. II. 16. 17. III. 8. II. 24. V. 4. Tit. III. 7. Jac. II. 21. 24. 25. Apoc. XXII 11. Ex quo magna sit significatio, Fidem in actu justificacionis se non active, sed *passive* habere. Quum enim divinis in Evangelio propositis promissis assentitur, tum *ea esse vera PATITUR*; non negat, non *hesitat*, non *dubitatur*, non *ambigit*, non *disputat*, nedum vanitatis arguit, aut *falsitatis damnat*, sed tuto in veritate *ACQUIESCIT*, *habendi* quam *sciendi* avidior, & fruendi quam *videndi* cupidior, *doloribus*, *terroribusque conscientiae valere jussis*. Qui sic se *vivificatum & justificatum* sentit homo, is sibi *NULLIUS MERITI* conscius est, sed *suæ tantum misericordia & divina gratia*, e *vulneribus & vibicibus Christi* jam adprehensi elucescentis, animumque *divinis solatiis* implentis. Similis est mendico, cui vehementer *esurienti & sitienti* cibum & potum ex *mera gratia* præbuisti, hac utens formula: *accipe, ede, bibe.* Quod si enim hic, tuis se verbis *admodans*, *accipit*, *edit*, *bibit*, atque ita *nullo suo merito saturatur*, num ei quidquam in mentem venire potest, *præter sensum melliti gaudii & grati animi?* Fieri posse, putas, ut ex *obedientia*, quam *præcep-*
pto

pto: accipe, ede, bibe, præsttit, meritum exscusat, vel
 ex condigno, vel ex congruo? Fieri posse, putas, ut se
 tibi indebitum aliquod officium exhibuisse somniet, quod
 tuum sit novis remunerare beneficiis? Numne monstrum
 hominis esset, si quid hujusmodi cogitatione volveret?
 Quæ vero dignitas ad impetrandum justificationis
 beneficium in peccatore requiratur, idonea quadam
 parabola, ad exemplum optimi maximi Salvatoris,
 declarare liceat. Erat aliquando vir quidam optimo
 animo & maximis dvitibus conspicuus. Hic cum in-
 audiisset, suos colonos, premente annonæ caritate,
 eo devenisse indigentiae, ut iis pereundum esset, nisi
 foret, qui ex gratia succurret, mandatum suo villico
 dedit, ut centum tonnas frumenti miseris largiretur,
 hac lege, ut frumentum cuique pro mensura indigen-
 tiae erogaretur. Quis hic dignior? Proprie loquen-
 do, locum hic non inveniebat dignitas. Quod si vero
 hoc nomine nihilo minus insignire vellemus id, quod
 majoris & minoris doni rationem contineret suffici-
 entem, sine dobio tanto quemque digniorem dicere-
 mus, quanto se sentiret indigentiem. Eadem pla-
 ne ratio est hominum peccatorum, qui beneficium
 absolutionis querunt. Quemadmodum enim mare
 suis undis æque facile condit maximum Saxum, ac
 minimum arenæ granum, ita gratiæ divinæ non diffici-
 lius est gravissima, quam levissima hominum peccata
 tegere & obolere, modo qui eis laborant ad Christum
 Propitiatorem confugiant, ejusque gratiam SERIO
 im-

implorent. Sensus dolorum conscientiae ex agnitis peccatis naturaliter fluit, nec aliam ad fruitionem gratiae justificae rationem habet, quam sensus doloris corporis ad recuperationem amissae valetudinis.

Omnem meriti cogitationem utrobique absurdam esse, nulla eget demonstratione. Quocirca in saucias conscientias tyrannicum exercent imperium, qui eas prius ad propitiatorium admittere nolunt, quam tantos sustinuerint dolores, angores, horrores, quantos ipsis *præscribere, sine verbo Dei*, libuerit. Sufficit si tanti sint, ut ad medicum quærendum, eique supplicandum *vere adigant*. Quisquis vero ad eum venerit, non ejicitur, sed remissionem impetrat peccatorum, ex qua solatium & gaudium percipit dulcissimum. Ex quo vero Fides, adprehensio Christo, hominem peccatorem justificavit, statim, nulla intercedente mora, efficax est per caritatem, δι αγάπης ἐνεργεύμενη Gal. V. 6. Omnis generis benorum operum ferax. Tit.

II. 14. III. 8. I. Joh. V. 4. Col. I. 10. III. 9.

I. Pet. II. 12. Ebr. X. 24. XIII. 21.

